

永昌縣志

清嘉慶二十一年修
民國七年重印

永昌縣志序

丙子春余安研於雲川書院南斗岫先生以所為永昌志八卷來曰邑開自漢蓋云舊矣其間陷復無常至元粗定故文獻僅存遠者恒闕以其取材自近故事少而集隘尤志之小者也余謂志以傳信與其微引附會博古是矜毋寧近守之確以當矧自元迄今幾六百歲不可謂非遠也凡郡國之籍以縣志為其權輿帙雖不豐所關大也顧其紀載何如耳謹受而讀之既竟見其結構謹嚴敘論簡核殆參之太史以著其潔者乎時邑之老成紳士僉為余言先生景仰前徽網羅散失自歸田十年來搜覽殘編斷碣偶得其人一二事實如拱璧輒為立傳有明人物較增於原志者以此其於當代則廣採詳質

永昌縣志

序

一

進退惟公而已不與譽謗罔知焉至若一統志所列方輿多與舊史不合致滋衆議是又未可率爾者先生於沿革古蹟之類既參稽往策復詣勘其道形勢務窺廬山真面其用心有如此然自余綜觀之各卷皆逐字稱量而出銖兩不與匪第如所云然也嘗翻閱官師篇知永故無志明萬歷間揮僉南公魁與揮同趙公光遠倡而為之揮僉公即先生之六世祖也夫龍門一書父子繼軌今其祖創始於前曠數代而孫擴於後亦豈偶然哉故綴數語而為之序

嘉慶二十一年丙子孟夏中浣

賜進士出身吏部觀政蘭山後學黃在中謹撰並書

永昌縣志序

志者即古列國之史永為漢縣而志始於明萬歷間草創焉爾其附在郡志者較備乾隆己巳憲副張治齋先生所定也而邑無專刻逮甲辰續而梓之主議者李邑侯章齊余叨搦管旋以義例未當遂緘其版令三十載矣頃鄉君子復商及此不禁瞿然曰可再誤耶自揣識闇不克辨是非弁鄙之胸又不足以徵文而攷獻矧志關得失寓諷勸有人所欲言非志之所得言亦有志所得言非余之所敢言以地著之人預掌故之務直道為公良不易耳且合纂之難也將併前後為一編有所因必有所損益昔扶風漢書易遷八書為十志若劉項功臣諸紀傳於舊文間經點竄論者且不能無譏倘以不敏從茲

永昌縣志

序

一

役僭踰之愆當復奚似哉辭弗獲已因思襟遼自安是固其分然自己已至今幾七十年土會盈虛民生愉戚以及人材之消長政治之利病竟等於煙雲變滅致後之人罔所徵信咎將誰歸爰與鄉邑老成廣搜博採有所得焉則書久之寸牋尺幅壁戶皆滿迺裒焉地理建置水利兵防官師人物選舉藝文總目凡八其據古證今毫無參以己意者事其隨筆發揮而不盡襲前人者詞詞以詳事毋偽而証此邑之志非余之志也我永當西域通衢凡建節使者輪蹄所至與夫遊人携屐豪客停驂遙遙披覽邑乘用覘風景是誠未足辱觀所冀永之人家置一冊得曉然於鄉國情形習尚臧否庶有裨乎抑或琴堂公餘俯垂流覽而加之釐訂則又幸甚

嘉慶二十年仲夏上澣斗蟲南濟漢謹序

永昌縣志

序

縣域圖




永昌縣志




圖書集成

蘇治圖




水利圖



永昌縣志圖

三





修志凡例

一志先辨類舊志堡寨橋梁概附地理是編移入建置指揮千百戶等職分載選舉茲統列于官師如此者頗多風俗專為一冊今併入地理而水利另編以其所關者重故叙較詳也要有所本非敢矯異

一往事如沿革古蹟及官師人物中有改訂者有增入者皆稽諸史冊採諸金石與其家乘或父老之口期于毋誤毋漏而已
一邇採節義悉與鄰近老成再三質証必食曰可然後叙入間有出以已意者皆確然共信非阿好也其或山深壤僻聞見難周則俟諸異日

永昌縣志

凡例

一官評去後而定鄉評則歿後而定至于貞操匪世隱德高年者不拘此例

一志尚簡明毋庸辭費茲于每卷標首弁以總冒用存古體至各條之前有當推原者間綴數語否則無之後論亦然不盡歸于一律

一後人誣稱先代昔賢深斥迥若祖父有嘉懿以子孫操筆而顧軼之亦未為安然終嫌涉于私是編所列皆舊志已載者餘不具錄

永昌縣志目次

卷一地理

疆域 沿革 山川 星野 風俗 祥異 戶口 土田

賦則 徭役 方產

卷二建置志

城池 官署 學校 廟祠 壇壝 倉廩 驛塘 演武

書院 義學 寺觀 粥廠 養濟 市鎮 堡寨 橋梁

古蹟 墓

卷三水利志

山水 泉水 釋名 工作 灌略 董事

永昌縣志

目次

一

卷四兵防志

營制 關隘 兵馬 糧餉 軍械 烽壠

卷五官師志

藩封 鎮守 指揮 教授 知縣 典史 教諭 叅將

副將

卷六人物志

文蹟 武功 忠孝 義行 節烈 耆壽 流寓

卷七選舉志

進士 舉人 貢生 軍功 掾吏 武進士 武舉 將材

封贈

卷八藝文志

記詩

永昌縣志

目次

二

永昌縣志卷之一

邑人南濟漢纂輯

勾鍾瑞
閔英
王國賓
南棠
全校

地理志

邑當涼郡右衝故稱要隘地理務亟講也疆域攸畫沿革繫之環以山川應乎星野其間沃瘠殊俗移易在人固守土者之責而鄉士大夫顧可不身為先與紀祥異以備觀省洎戶口土田賦役物產均以類從尹釐茲土者將有所攷焉

疆域永昌南北多高山深壑東西平行為萬里通衢封疆之限自作

永昌縣志

卷一

一

邑以來未之有改也總計全境廣袤六百餘里縣治在涼州府西一百六十里東至柔遠驛武威界七十里西至古城寨山丹界八十五里南至酸棗河接大通河界一百七十里北至昌寧湖鎮番界一百九十里東南至炭山堡武威界七十里西南至白石崖山丹界九十里東北至蔡旗堡鎮番界一百八十里西北至石硤口山丹界一百一十里東至蘭州府省城七百二十里由陝西達京師五千二百八十里

沿革邑本戎落禹貢西戎即叙是也秦穆公時為小月氏國其後匈奴長休屠據之漢武帝元狩二年昆邪殺休屠以眾降元鼎六年即休屠故地置鸞鳥縣隸武威郡此立縣之始東漢更名顯美初屬張

掖郡繼屬武威郡晉武惠時仍顯美縣懷帝永嘉五年依馬支山改置馬支縣附武興郡北魏仍名馬支改屬番禾郡隋開皇中廢併入武威唐中宗龍神二年于漢故鸞鳥城置嘉麟縣景龍三年省先天二年復置開元十六年以赤水守捉更置大斗軍天寶末陷于吐蕃越五代未克平宋興吐蕃遠遁太宗至道二年復唐舊置名嘉麟縣隸西涼府西涼即武威郡也景德中為西夏李元昊所據偽置永州元滅西夏世祖至元十五年置永昌路封王領之降西涼府為州隸焉此稱永昌之始明洪武二十五年置永昌衛立前後左右中五所隸陝西行都司我

朝雍正三年改為永昌縣隸涼州府

永昌縣志

卷一

二

山川出雲雨以生物故祀典不廢而功德所施厥有大小其景趣亦殊茲品第而列之山無弗載至流之細者詳見水利

天山直南一百八十里羗人呼天為祁連故又名祁連山漢霍嫖姚擊敗匈奴至此而還唐薛將軍三箭所定當在湟中舊志引之未確是山綿亘數千里終古積雪大為溉田之資

鸞鳥山在縣西南一百八十里相傳漢時有鸞棲其上故名山亦以名縣其距縣一百五十里曰平羗山為土蕃出入門戶又一百四十里曰腦兒山腦兒華言水也三山銜接積雪融流耕者利之

金山城北二十里晉武帝泰始中禿髮樹機能敗涼州刺史蘇愉于此隆安中沮渠蒙遜既拔臨松遂據茲山蓋昔屯軍地也生煤炭附

近居民賴以代薪又出陶器其產與正西七十里之紅山同
焉支山在西八十里匈奴歌云失我焉支山使我婦女無顏色一作
燕支胭脂者非攷匈奴稱妻曰關氏音與焉支同歌意殆取此與產
藥數十種大黃尤多且良故亦曰大黃山又名青松山向多松今樵
採殆盡

東南七十里曰雲莊山其麓近河雲氣滃鬱因名上多松始植傳為
晉僧摩訶北巖有石房中有石榻其故居也佛寺道觀高下參差雖
鮮壯麗而幽潔可玩盤道有石斜與寺對天然一碑爰鐫松雲湧翠
四字以顏之東距十里為石佛崖亦佳境也

東崗距城十里蜿蜒一帶夕陽獨多若晴霞若野燒然

東北七十里曰洞居山之半一巒前蔽如屏中供石像曰孩母足下
生甘泉羹人多就飲之謂能已疴凡禱嗣者恒于斯

獅山東北二十五里山趾餘凸蹲伏道側望之宛然獅也少西為馬
蹄坂其上馬跡重沓車騎踐摩之歲久猶是俗以為神駿所遺非也
按壽州安臺石上有人馬跡蓋本然耳又西為馬鞍山亦頗髣髴

東北之山名石燕者距縣二十五里谷中產石如燕人謂當風而飛
或有之三十里曰如邨山石多墳起如北邨下六十里曰青山晴巒
滴翠若新出沐

筆峰山東南四十里三峰聳峙若筆紆折而下曰照面山雨後嵐光
逼堞由城東隅望之青如撲面雪霽尤佳

武當山在城北五里以巔供真武名也自下而上殿宇相聯頗足遊覽

金呂山在西北三十五里地稱阨塞其距縣六十里有盤道山者烏道一綫迴旋而上是亦險鎮

摩天嶺在南七十里孤峰入雲最為陡絕西南二十五里曰橫梁山又十五里曰饅頭山兩山斜峙其間村落相望錯若齒牙

單子山起自永寧堡北尾抵馬鞍距縣一百二十里

轉澗口東南距縣三十五里其水為天山蓄雪所化又有衆泉引之由東水關出數折入澗迤行十餘里九壩分焉

可可河在西南二百里流經鸞鳥平羌腦兒都山下諸山之水與會

永昌縣志

卷一

四

自西水關出又名考來河即大河口也分五壩

金川源出城北藥葫蘆馬家諸泉紫阡絡陌厯二十里許匯入破中至營盤坡下瓜分之蓋北境之利斯為溥矣

海子在校北二里注以藥葫蘆等泉之水其色青凝四時不改多魚宜戒網罟

雲川城西二十五里即水磨川為衆泉所歸清澄見底雲光與之激盪利漑功多

茨湖東北一百三十里烏牛壩水所從出迺下十堡膏液之勝者南峪直南五十里石扇雙屹怒濤驚流嘗有神物出其間每盛夏暴漲及泛寒冰裂人謂起蛟云

星野攷星經東壁二星主圖書文章春夏金秋冬土一名天術蘭涼
衛州等分也與晉天文志武威入東壁六度之說同永昌去武威一
百六十里應為壁星分野其占星明則道術興國多君子搖動則興
土工

風俗永人負氣好剛不事奔競舊志稱之家無巨富而事揮霍達達
千金之產吉山一二舉已盡今不復然蓋饑饉疊告困不能支者什
之八九矣恒人貴口賤體卒歲無褐而嗜酒肉饜且屢虛毋乃愚甚
日食率用麥人需四鬴米則二鬴已足近因糧食頗易所向知節然
後益也居無畫棟雕梁間務為大獨不見渠渠之屋適年半為鄰封
與去而蓬華無恙耶夫莫重於殖生矧瘠薄之區不比豐沃鑒其敝

而亟反之庶家有蓋誠禮讓行焉邑舊多鄉塾尚絃誦比者非試童
子寒如豈以歲屢不登未遑此與抑業弓矢者眾與諸生鮮力學大
率惟貧是病嘗聞之先輩曰讀書發名成業次亦可資溫飽旨哉斯
言環堵中尚歌聲出金石乎至若不才子弟治遊暴殄所賴官警師
規而父兄之教宜先也

冠禮不行久矣婚古禮有六朱文公所定惟納采納幣親迎三節今
媒妁既通遂行定即納采也將娶筮吉先期送衣飾謂之過禮即納
幣厚薄稱其家從無言財親迎不奠雁以物弗備耳曩苦宴會流連
通止二三日嫁女隘無過盛其返樸之漸乎喪禮初歿招以衣曰復
即招魂無行之者廼延僧道為開路以速其往大非含殮哭奠如禮

成服以五日或七日七日朝夕有男女出門外號哭焚紙錢者舊志
斥為委巷之風宜亟黜之先年富家為吊客散孝無論親疎或帽或
衫耗財而違禮令已希矣小祥大祥禫制均依朱子所定無停柩之
習葬地遵程子避五患不惑于堪輿家言但有隙輒葬或至塋間無
餘土方之居室亦未為安祭則士大夫家四時忌日俗節視文公禮
雖未備猶不甚遠通行者元旦前一日設畫像既夕焚錢黎明陳饌
奠醴祭墓則寒食加上于塚七月十五具羊牲獻瓜果多有搭棚設
帳竟日乃已十月初一送紙衣除日奉羊食無貴賤貧富一也獨祠
堂久闕薦紳當倡修之至于歲時儀節有可採者元日記先後家之
卑幼以次拜尊長凡親識皆拜賀卑幼先至尊長將答之則辭已而

永昌縣志

卷一

六

會飲先族及里黨端陽中秋冬至惟紳士拜賀及弟子于其先生而
已歲農功畢村寨間陳牲演劇祭八蜡有古風焉惟逢神誕日子正
社外紛然醵錢割羊以獻實則酒食徵逐是宜省也

祥異書紀嘉禾是稱上瑞在人則孝弟力田各勤職業足宣地氣而
揚天和偶遇非異凡達理矜耆躬先里校弛其豫樂汰其侈靡俾咸
休然知戒寧第責之長吏已耶

漢建武二十五年蝗

漢安二年自秋九月至十二月地凡百八十震山谷崩裂

晉甯元年七月蝗

北魏景明二年十一月辛卯雷七發聲